



Br: 02-02-9-1009-4/20

Sarajevo, 27.08.2020.

**Poziv bh. kompanijama za učešće na online sajmu  
za sektor namještaja i drvoprerade u Bosni i Hercegovini**

**Match & Furnish 2020**

**21-22.10.2020.**

Poštovani,

Vanjskotrgovinska/ Spoljnotrgovinska komora Bosne i Hercegovine objavljuje početak implementacije projekta „**Podrška internacionalizaciji MSP-a iz BiH organiziranjem online sajmova za MSP iz sektora drvoprerade i metaloprerade**“, u okviru kojeg će se, po prvi put u Bosni u Hercegovini, održati **два specijalizirana online sajma** za pomenute sektore.

Online sajam za **sektor namještaja i drvoprerade u BiH** pod nazivom **Match & Furnish 2020** održat će se od **21-22. oktobra/ listopada 2020. godine**.

Projekat je nastao pod okriljem Mehanizma za podršku implementaciji strategija razvoja MSP (SIEM), a u sklopu programa „**Evropski akt o malom biznisu**“ (okvir strategija i politika za mala i srednja preduzeća u Bosni i Hercegovini) koji financira Švedska, posredstvom Švedske agencije za međunarodni razvoj i saradnju (Sida), a provodi Agencija za razvoj preduzeća Eda iz Banjaluke.

S obzirom na ranija pozitivna iskustva u suorganizaciji međunarodnih online b2b događaja koje posjeduje VTK/ STK BiH kao koordinator BITNET konzorcija Evropske preduzetničke mreže (EEN), realizacija navedenog online sajma sprovođit će se u okviru i koristeći platformu EEN mreže.

Ciljevi projekta su:

- **Predstavljanje proizvoda (galerija fotografija) i profila minimalno 15 izvozno orijentiranih MSP-a iz sektora namještaja i drvoprerade Bosne i Hercegovine**, te jednog broja **velikih izvoznih poduzeća iz navedenog sektora** (čije učešće od ukupnog broja izlagača ne može biti veće od 25%), kao 'izlagača' na online sajmu *Match & Furnish 2020*.
- Privlačenje i registracija zainteresiranih poslovnih '**posjetilaca**' iz inozemstva, tj. kupaca i/ ili ponuđača u navedenom sektoru, te **organiziranje online b2b susreta prema iskazanom međusobnom interesu**, a sve u cilju podsticanja internacionalizacije i povećanja izvoza bh. kompanija.

**Vrsta podrške koju će VTK/ STK BiH pružiti odabranim bh. izlagačima:**

- Razvoj platforme za online sajam sa posebnom domenom događaja, postavljanje i uređivanje sadržaja koje dostavljaju izlagači;



- Konsultacije u vezi pripreme profila izlagača i materijala za objavu na online platformi sajma, te podrška kod zakazivanja i realizacije online b2b sastanaka;
- PR i marketing aktivnosti (objave o projektu i učesnicima na web-stranici Komore, u elektronskim i pisanim medijima, unutar EEN-mreže i drugih mreža internacionalnih partnera);
- **Učešće na online sajmu i sve navedene usluge VTK/ STK BIH su besplatne za odabrane bh. izlagače.**

#### **Kriteriji za izlagače:**

- Bh. kompanija je proizvođač sljedećih proizvoda drvoprerađivačke industrije:
  - Namještaj
  - Komponente i poluproizvodi (ploče, furnir, otpresci, itd.)
  - Drvena montažna gradnja i drugi građevinski proizvodi na bazi drveta (stolarija, podovi, laminirane konstrukcije, proizvodi za vrt, itd.)
  - Drvena galanterija i manji proizvodi od drveta.
- Prednost imaju firme koje zadovoljavaju EU definiciju malog i srednjeg preduzeća <https://ec.europa.eu/growth/smes/business-friendly-environment/sme-definition/> (broj velikih firmi ne može prijeći 25% od ukupnog broja izlagača);
- Firma ima odgovarajuće izvozne proizvode koji se izlažu na online izložbi (prednost veći stupanj finalizacije proizvoda);
- Firma je imenovala odgovarajuću kontakt osobu sa obaveznim znanjem engleskog jezika za učešće na b2b sastancima;
- Firma je spremna dostaviti podatke o rezultatima ostvarenim u periodu 3 mjeseca nakon održanih b2b sastanaka na online sajmu, a koji će se koristiti u svrhu analize rezultata cjelokupne aktivnosti;
- Prednost prilikom odabira kompanija imaju članice VTK/ STK BIH koje redovno izmiruju obavezu plaćanja članarine, u skladu sa članom 22. i 23. Zakona o VTK/ STK BIH („Službeni glasnik BiH“, broj: 30/01 i 72/13) <http://www.komorabih.ba/clanarina/> ;

Pozivamo zainteresirana poduzeća iz Bosne i Hercegovine da se prijave za učešće, tj. da dostave obavezne dokumente:

1. **Prijavni obrazac za učešće na online sajmu** - sa obavezno popunjenom rubrikom 'Kratki profil kompanije' na engleskom jeziku, koji treba da uključi i informacije o tržištima izvoza, certifikatima, nagradama/ priznanjima, i drugim relevantnim informacijama za prezentaciju izvoznih mogućnosti firme (ukupno do 150 riječi).
2. **Logotip firme** u vektorskom formatu (EPS, AI, CDR)
3. **Najmanje 5 reprezentativnih fotografija** različitih izložbenih proizvoda rezolucije najmanje 1024x768 pixela, na 300 dpi
4. **Fotografiju predstavnika kompanije** koji će sudjelovati na b2b sastancima.

Opcionalno, potencijalni izlagač može dostaviti i:

5. **Promo-video** o kompaniji i/ili proizvodima.



Popunjen prijavni obrazac sa pratećom dokumentacijom dostavlja se u **elektronskoj formi** na e-mail adresu kontakt osobe u nastavku: Lejla Međedović, e-mail: [lejla.mededovic@komorabih.ba](mailto:lejla.mededovic@komorabih.ba), tel: 033 566 231.

Rok za dostavu prijave je: **četvrtak, 10. septembar/ rujan 2020. godine.**

U skladu sa kriterijima iz ovog poziva i procedurom projekta, pristigle prijave razmatrat će Komisija za odabir izlagača. Prijave koje ne sadrže sve navedene elemente, smatraju se nepotpunim i neće biti uzete u razmatranje. Kandidati će blagovremeno biti obaviješteni o rezultatima izbora.

Za eventualna pitanja i dodatna pojašnjenja vezano za ovaj poziv, možete se obratiti ispred navedenoj kontakt-osobi.

S poštovanjem,



Prilog: Prijavni obrazac za učešće na online sajmu